



**LJÓSTÆKNIFÉLAG  
ÍSLANDS**

LANDSNEFND ÍSLANDS Í GIE

## Skýrsla stjórnar

### Um starfsemi félagsins 1999-2000

Aðalfundur Ljóstæknifélagsins árið 1999 var haldinn á Hótel Sögu þann 26. apríl og var hann sæmilega sóttur. Fundarstjóri var Bergur Jónsson og fundarritari Ólafur G Guðmundsson. Örlygur Jónasson, varaformaður, flutti skýrslu stjórnar þar sem Gísli Jónsson formaður félagsins hafði látist skömmu áður en fundurinn var haldinn. Varaformaður gerði grein fyrir helstu verkefnum stjórnar og áherslum félagsins á komandi ári.

Bergur Jónsson minntist í upphafi fundar Gísla Jónssonar sem hafði unnið af miklum áhuga og dugnaði að málefnum Ljóstæknifélagsins þann tíma sem hann gegndi formennsku í félaginu og einnig sem prófessor við Háskóla Íslands um langt árabil.

Gjaldkeri gerði grein fyrir reikningum félagsins fyrir árið 1998 og áætlun stjórnar fyrir árið 1999. Hvort tveggja var samþykkt án athugasemda.

Kjörnefnd gerði grein fyrir tillögum um stjórnarkjör. Ólafur G Guðmundsson og Skúli Norðdahl höfðu lokið stjórnarsetu sinni og báðust þeir undan endurkosningu. Ólafur G Guðmundsson sat í stjórn tilnefndur af Auglæknafélagi Íslands og tilnefndi félagið Jens Þórisson augnlækni í hans stað. Þá lagði kjörnefnd til að Eiríkur Bogason og Ferdinand Alfreðsson yrðu kjörnir. Vegna fráfalls Gísla Jónssonar lagði kjörnefnd til að Þórður Guðmundsson yrði kosinn formaður til eins árs. Voru þessar tillögur samþykktar einróma. Jens Þórisson er tilnefndur af Auglæknafélagi Íslands og Hannes Helgason af Reykjafelli hf.

Stjórn félagsins starfsárið 1999-2000 var því þannig skipuð eftir að nefndin hafði skipt með sér verkum á fyrsta fundi félagsins:

Þórður Guðmundsson, formaður  
Örlygur Jónasson, varaformaður  
Ólafur S Björnsson, gjaldkeri  
Hannes Helgason, ritari  
Ferdinand Alfreðsson, meðstjórnandi  
Eiríkur Bogason, meðstjórnandi  
Jens Þórisson, meðstjórnandi

Endurskoðendur fyrir starfsárið 1999-2000 voru kjörnir samkvæmt tillögu kjörnefndar:

Eiríkur Briem,  
Hreinn Jónasson,  
Ólafur J Sigurðsson, til vara

Endurskoðendur á starfsárinu 1999-2000 voru:

Egill skúli Ingibergsson, formaður  
Víðir Kristjánsson  
Þorvalur Finnbogason

### **FRÆDSLUFUNDIR**

Engir fræðslufundir voru haldnir á árinu og verður það að skrifast á nýkjörinn formann að svo fór, að hluta til vegna þess að ég kom að þessu með litlum fyrirvara og svo einnig vegna þess að athyglin hefur að mestu leyti beinst að vinnu vegna Lux Europa sem hefur verið umtalsverð.

### **STJÓRNARFUNDIR**

Á starfsárinu voru haldnir 4 fundir og voru þeir allir haldnir hér í húsakynnum Landsvirkjunar.

Ákveðið var að semja við fyrirtækjaþjónustu Búnaðarbanka Íslands um að annast innheimtur félagsgjalda og hefur það fyrirkomulag gengið vel eftir og verið gjaldkera til mikilla þæginda. Er innheimta í kjölfarið með besta móti.

Ákveðið var að veitt yrði viðurkenning fyrir áhugaverða lýsingu á árinu 2000 og eru félagar hvattir til að koma með tillögur um áhugaverð verk á þessu sviði. Verða áhugaverð lýsingarkerfi skoðuð í haust.

Framtíð ljóstæknistofunnar kom til umræðu á stjórnarfundum, en samningur ljóstæknistofunnar og Ljóstæknifélagsins rann út um síðustu áramót. Gísli Jónsson hafði lagt mikla vinnu í þetta málefni á sínum tíma og ber okkur að leggja okkur fram til að halda merki hans á lofti og sjá jafnframt til þess að kennslu í ljóstækni verði gerð hærra undir höfði í framtíðinni. Er erindi framkvæmdastjóra norska Ljóstæknifélagsins viðleitni af okkar hálfu til að hefja umræðu um þetta mikilvæga mál.

Töluverður tími fór í umræðu um Lux Europa og mun Egill Skúli gera sérstaklega grein fyrir því hér á eftir.

Ég vil biðja fundarmenn að hjálpa til við að gera starfseminu virkari með því að skrifa niðir eitt málefni eða fleirri sem þeir telja að félagið ætti að beina kröftum sínum að. Slíkar vísbendingar um það sem félagsmenn telja mikilvægt geta hjálpað stjórninni í þeirri viðleitni sinni að standa sig sem best.

## **SKRIFSTOFUHALD**

Formaður gegndi starfi framkvæmdastjóra þar sem ekki er fjárhagslegur möguleiki á því að ráða fastan starfskraft í starfið. Félagsmenn geta snúið sér til formanns í síma 5159076/8935621, fax 5159008 eða rafróst [thordur@lv.is](mailto:thordur@lv.is). eða til Lindu linda@lv.is. Má öllum vera ljóst að starfsemin geldur þess að ekki sé unnt að sinna stjórn félagsins af krafti.

Linda Bogadóttir, ritari hér í stjórnstöð hefur annast skrifstofuhald, bréfaskriftir og aðra umsýslu einkum vegna Lux Europa í samvinnu við Egil Skúla Ingibergsson sem er formaður undirbúningsnefndar Lux Europa..

Guðni Gíslason hefur annast ýmis tilfallandi mál í samvinnu við stjórn og er áhugi fyrir því að festa það samstarf í sessi enda hefur það verið félaginu til mikilla hagsbóta.

## **ERLENT SAMSTARF**

### **LUXEUROPA**

Árið 1997 sóttu Gísli Jónsson, Egill Skúli Ingibergsson og Guðjón L Sigurðsson LUX EUROPA ráðstefnuna í Amsterdam. Á þeim fundi bauð formaður Ljóstæknifélags Íslands til næstu Lux Europa ráðstefnu á Íslandi, en hún verður haldinn í júní árið 2001. Hefur mikið verið unnið að þessu verkefni og hefur skrifstofan sent út um 1000 bréf til aðila víða um heim sem tengjast ljóstæknimálefnum.

Egill Skúli Ingibergsson, er í forsæti Lux Europa og hefur hann tekið að sér fyrir hönd Ljóstæknifélagsins að annast undirbúning ráðstefnunnar sem verður mikil í sniðum og krefst hún mikils undirbúnings af hálfu félagsins. Mun Egill Skúli gera grein fyrir ráðstefnunni hér á eftir en meginefni hennar verður LIFE, LIGTH and the ENVIRONMENT.

Hefur verið samið við ferðaskrifstofu um að annast skipulag ráðstefnuhaldsins..

### **CIE**

Egill Skúli Ingibergsson sótti þing CIE í Varsjá í Póllandi í júnímánuði 1999.

### **NORDLYS**

Formaður sótti fund Nordlys í Oslo 26. september síðastliðinn. Á fundinum var einkum rætt um samstarf norðurlandanna innan Nordlys og virðist mikill áhugi almennt meðal frændþjóða okkar að halda þessu samstarfi gangandi og styrkja það frekar en hitt. Töluvert var rætt um að bjóða Eystrasaltslöndunum þátttöku í samstarfinu og bendir margt til þess að þau muni gerast meðlimir á næstu árum. Í framhaldi af því varð umræða um það hvort ástæða væri til að taka upp ensku á fundum í stað norrænu málanna og var ákveðið að halda sig við norrænu málin. Ljóst er að Íslendingar hafa takmarkaða möguleika að taka virkan þátt í alþjóðlegu samstarfi á tveimur vettvöngum samtímis og er því ástæða til þess að umræða fari fram innan félagsins okkar hvort við ætlum að leggja meiri áherslu á hið norræna samstarf innan Nordlys eða hið alþjóðlega innan CIE og Lux Europa.

Ákveðið var að næsti fundur yrði haldinn í Helsinki 27. Apríl þar sem rætt yrði einkum um undirbúning að Nordisk Belysningskongress.

Töluverðar umræður urðu um breyttar áherslur í menntun á ljóstækisviði í Noregi og þá vinnu sem Lyskultúr hefur staðið fyrir. Vakti þetta starf Lyskultúr mikinn áhuga meðal fundarmanna og var rætt um að útfæra það nánar í norrænu samstarfi. Því fannst mér rétt að óska eftir því við Petter Haug að hann fræddi okkur um þessi mál hér á fundi okkar og varð hann góðfúslega við því. Hann mun því flytja erindi hér á eftir.

## **NORDISK BELYSINGSKONGRESS 2000 Í FINNLANDI**

Í haust verður Nordisk Belysningskongress haldinn í Finnlandi 13-15 september í Marina Congress Center. Ráðgert er að á ráðstefnunni verði fjallað um þróun lýsingar, rannsóknir og þróun, tækni, gæði ljósgjafa, staðla, áhrif lýsingar á menn og umhverfi. Ráðstefnan ætti því að geta orðið hin áhugaverðasta.

Ljóstæknifélagið mun undirbúa ferð á ráðstefnuna og er stefnt að því að nota tækifærið og heimsækja aðila í Finnlandi sem hafa eitthvað áhugavert fram að færa á ljóstækisviðinu. Er verið að vinna í því um þessar mundir. Bið ég félaga að fylgjast með framvindu málsins á heimasíðunni okkar.

## **HEIMASÍÐAN**

Guðni Gíslason hefur annast breytingar á heimasíðunni okkar og hefur honum farist það vel úr hendi. Er ætlun okkar að gera hana að öflugri upplýsingamiðli í framtíðinni, en hana má nálgast á <http://notendur.centrum.is/~lfi/>. Helstu breytingar eru fréttasíður, ýmsar upplýsingar um félagið, Lux Europa, tímaritið Ljós, félagatal með pósthöfum, tengingar við áhugaverðar heimasíður og fyrirhugaðar ráðstefnur víða um heim.

## **LJÓS**

Unnið er að útgáfu tímaritsins Ljós og er stefnt að útgáfu þess í næsta mánuði. Sæmilega hefur gengið að safna greinum og auglýsingum, þó er ástæða til að hvetja félaga að vera vakandi fyrir greinum sem gætu átt erindi í útgáfu á vegum félagsins. Meðal áhugaverðra greina er grein eftir Egil Skúla um breytilegt viðhorf til lýsingar og grein um nýjar aðferðir við mælingar á dagsljósgljóju eftir finnskan háskólamann að nafni Ali Nazzal. Einnig verða greinar um nýjungar í lampabúnaði.

## **FÉLAGAR**

Í lok starfsársins voru félagar alls 147. 1 heiðursfélagi, 39 fyrirtæki og stofnanir og 107 einstaklingar. Breyting á félagaskrá er því fækkun um tvo frá fyrra ári.

## **NEFNDIR**

Skipan nefnda er óbreytt frá fyrra ári.

Fyrir hönd stjórnar

Þ ó r ð u r   G u ð m u n d s s o n